

Мемлекеттік орман күзеті туралы ережені бекіту туралы

Күші жойғал

Қазақстан Республикасы Үкіметінің 2004 жылғы 9 наурыздағы N 291 қаулысы.
Күші жойылды - Қазақстан Республикасы Үкіметінің 2015 жылғы 4 қыркүйектегі
№ 745 қаулысымен

Ескерту. Күші жойылды - ҚР Үкіметінің 04.09.2015 № 745 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Р Қ А О - н ы ң е с к е р т п е с і .

ҚР мемлекеттік басқару деңгейлері арасындағы өкілеттіктердің аражігін ажырату мәселелері бойынша 2014 жылғы 29 қыркүйектегі № 239-V ҚРЗ Заңына сәйкес ҚР Ауыл шаруашылығы министрінің 2015 жылғы 12 мамырдағы № 18-1/429 бұйрығын қараңыз.

Ескерту. Тақырып жаңа редакцияда - ҚР Үкіметінің 2012.11.07 N 1413 (алғашқы ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

Қазақстан Республикасының 2003 жылғы 8 шілдедегі Орман кодексіне сәйкес Қазақстан Республикасының Үкіметі қаулы етеді:

1. Қоса беріліп отырған Мемлекеттік орман күзеті туралы ереже бекітілсін.

Ескерту. 1-тармақ жаңа редакцияда - ҚР Үкіметінің 2012.11.07 N 1413 (алғашқы ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

2 . М ы н а л а р д ы ң :

1) "Қазақстан Республикасының мемлекеттік орман күзеті туралы ережені бекіту туралы" Қазақстан Республикасы Министрлер Кабинетінің 1994 жылғы 21 сәуірдегі N 421 қаулысының (Қазақстан Республикасының ПҮКЖ-ы, 1994 жыл, N 19 , 188 - қ ұ ж а т) ;

2) "Қазақ орман шаруашылығы басшы қызметкерлері мен мамандарының біліктілігін арттыру институтын тарату туралы" Қазақстан Республикасы Үкіметінің 2001 жылғы 6 сәуірдегі N 454 қаулысымен бекітілген Қазақстан Республикасы Үкіметінің кейбір шешімдеріне енгізілген өзгерістердің 1-тармағының (Қазақстан Республикасының ПҮКЖ-ы, 2001 жыл, N 13, 158-құжат) күші жойылды деп танылсын.

3. Осы қаулы қол қойылған күнінен бастап күшіне енеді.

Премьер-Министрі

Қазақстан

Республикасы

Үкіметінің

2004

жылғы

9

наурыздағы

N

291

қаулысымен

бекітілген

Мемлекеттік орман күзеті туралы ереже

Ескерту. Тақырып жаңа редакцияда - ҚР Үкіметінің 2012.11.07 N 1413 (алғашқы ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

1. Жалпы ережелер

1. Мемлекеттік орман күзеті (бұдан әрі – мемлекеттік орман күзеті) ормандарды күзету, қорғау, молықтыру және орман пайдалану мәселелерімен айналысатын орман мекемелерінің қызметкерлерінен тұрады.

Ескерту. 1-тармақ жаңа редакцияда - ҚР Үкіметінің 2012.11.07 N 1413 (алғашқы ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

2. Мемлекеттік орман күзетіне Қазақстан Республикасының Орман кодексіне сәйкес мемлекеттік орман қорын күзету мен қорғау ережесін, орман пайдалануды жүзеге асырудың, мемлекеттік орман қоры жерлерінің нысаналы мақсатына сәйкес оларды пайдаланудың белгіленген тәртібін бұзуды тыю және оның алдын алу жөнінде, сондай-ақ орманға зиян келтіретін басқа да іс-әрекеттерді тыю және олардың алдын алу жөнінде құқықтар беріледі.

2. Мемлекеттік орман күзетінің міндеттері

3. Мемлекеттік орман күзетінің негізгі міндеттері:

1) орман өрттерінің алдын алу, оларды дер кезінде байқау және жою жөнінде іс-шаралар ұйымдастыру және жүргізу;

2) мемлекеттік орман қорының аумағындағы барлық жұмыс істеушілердің және онда орналасқан ұйымдардың, сондай-ақ орманда жүрген жеке тұлғалардың ормандардағы өрт қауіпсіздігі ережесі мен санитарлық ережені сақтауын қамтамасыз ету;

3) ормандарды заңсыз ағаш кесуден, зақымданудан, талан-таражыға салудан және Қазақстан Республикасының орман заңнамасын бұзудың басқа да

әрекеттерінен күзету, сондай-ақ мемлекеттік орман қоры жерлерін күзету;

4) орман пайдаланушылардың сүректі түбірімен босату ережесін және орман пайдаланудың басқа да түрлерінің ережелерін орындауын қамтамасыз ету;

5) орман зиянкестері мен ауруларының ошақтарын дер кезінде анықтау, олардың таралуына болжам жасау және олармен күресу;

6) биотехникалық іс-шаралар жүргізу;

7) мемлекеттік орман қоры аумағында аң және балық аулау ережелерінің сақталуын қамтамасыз ету;

8) мемлекеттік орман қорын күзетуді, қорғауды, ормандарды молықтыруды, ұтымды пайдалануды және орман өсіруді қамтамасыз ететін басқа да іс-әрекеттер болып табылады.

3. Мемлекеттік орман күзетін ұйымдастыру

4. Мемлекеттік орман күзетінің құрамына мына қызметкерлер:

1) орман шаруашылығы мемлекеттік мекемелерінде – директорлар – бас орман күтушілер, директорлардың орынбасарлары – бас орман күтушілердің орынбасарлары, барлық санаттағы орман шаруашылығы инженерлері, аңтанушылар, орман питомниктерінің бастықтары, орман өрт сөндіру станцияларының бастықтары, орман күтушілер, орман күтушілердің көмекшілері, орман шеберлері, орманшылар (қорықшылар);

2) облыстық атқарушы органдардың ормандар мен жануарлар дүниесін қорғау жөніндегі құрылымдық бөлімшелерінде – басшылары және орман қорын күзету, қорғау, пайдалану, ормандарды молықтыру және орман өсіру мәселелерімен айналысатын мамандар енеді.

Ескерту. 4-тармақ жаңа редакцияда - ҚР Үкіметінің 2012.11.07 N 1413 (алғашқы ресми жарияланғанынан кейін күнтізбелік он күн өткен соң қолданысқа енгізіледі) қаулысымен; өзгеріс енгізілді - ҚР Үкіметінің 18.10.2013 N 1102 (алғашқы ресми жарияланғанынан кейін күнтізбелік он күн өткен соң қолданысқа енгізіледі) қаулысымен.

5. Орман шаруашылығы саласындағы уәкілетті органның (бұдан әрі - уәкілетті орган) жүйесіне енетін, орман қорын күзету, қорғау, пайдалану, ормандарды молықтыру және орман өсіру мәселелерімен айналысатын мамандандырылған ведомстволық бағыныстағы ұйымдардың қызметкерлері мемлекеттік орман күзетінің қызметкерлеріне теңестіріледі.

6. Орман мекемесінің директоры - бас орманшысы (бұдан әрі - директор) орман мекемесінің ведомстволық тиесілілігіне байланысты уәкілетті органның немесе облыстық атқарушы органдардың ормандар мен жануарлар дүниесін қорғау жөніндегі құрылымдық бөлімшесінің бұйрығымен қызметке

тағайындалады және қызметтен босатылады.

7. Директор орман мекемесінің жұмысын ұйымдастырады әрі оған басшылық етеді және орман мекемесіне жүктелген міндеттерді орындау және оның өзінің функцияларын жүзеге асыруы үшін жеке жауапкершілікте болады.

8. Директор өзінің қызметін жүзеге асыру кезінде Қазақстан Республикасының заңнамасы белгілеген тәртіппен және өзінің құзыреті шегінде:

1) барлық ұйымдарда орман мекемесінің мүдделерін білдіреді;

2) шарттар жасасады;

3) сенімхаттар береді;

4) банк шоттарын ашады;

5) орман мекемесінің барлық қызметкерлеріне міндетті бұйрықтар шығарады және нұсқаулар береді;

6) уәкілетті орган немесе облыстық атқарушы органдардың ормандар мен жануарлар дүниесін қорғау жөніндегі құрылымдық бөлімшесі тағайындайтындардан басқа, орман мекемесінің қызметкерлерін жұмысқа қабылдайды және жұмыстан босатады;

7) орман мекемесінің қызметкерлеріне ынталандыру шаралары мен тәртіптік жазалар қолданады;

8) орман мекемесінің даму перспективаларын және оны техникамен жарақтандыру бағыттарын айқындайды;

9) орман қорының мемлекеттік есебін, мемлекеттік орман мониторингін, жануарлар дүниесінің мемлекеттік есебін жүргізуді қамтамасыз етеді, мемлекеттік орман кадастры мен жануарлар дүниесінің кадастрын жүргізу жөніндегі жұмыстарға қатысады;

10) ормандарды күзетуді, қорғауды, молықтыруды және орман өсіруді ұйымдастырады және қамтамасыз етеді, орман мекемесінің қарауындағы мемлекеттік орман қоры аумағында орман пайдалануды реттейді;

11) орман мекемесінің аумағында орман өрттерінің алдын алу және олармен күресу жөніндегі іс-шараларын әзірлеуді және олардың орындалуын іске асыруды ұйымдастырады;

12) ағаш кесу билеттерін береді;

13) Қазақстан Республикасының орман заңнамасы, Қазақстан Республикасының жануарлар дүниесін қорғау, өсімін молайту және пайдалану туралы заңнамасы саласындағы құқық бұзушылықтардың алдын алу және тыю жөнінде шаралар қолданады;

14) орман мекемесінің аумағындағы өрттерді сөндіру үшін өрт қауіпі бар маусымға жанар-жағармай материалдарының резервін жасайды;

15) оған Қазақстан Республикасының заңнамасы жүктеген өзге де функцияларды жүзеге асырады.

9. Орман мекемесі директорының орынбасары - бас орманшының орынбасары орман мекемесінің ведомстволық тиесілілігіне байланысты уәкілетті органның немесе облыстық атқарушы органдардың ормандар мен жануарлар дүниесін қорғау жөніндегі құрылымдық бөлімшесінің бұйрығымен қызметке тағайындалады және қызметтен босатылады.

10. Директордың орынбасары өзінің қызметін жүзеге асыру кезінде Қазақстан Республикасының заңнамасы белгілеген тәртіппен және өзінің құзыреті шегінде:

1) орман қорын күзету, қорғау және пайдалану, ормандарды молықтыру және орман өсіру бағдарламаларын әзірлеуге және оларды орындауға қатысады;

2) ормандарды күзету, қорғау, молықтыру және орман өсіру, тұрақты орман тұқымдары учаскелері мен ағаш тұқымдары плантацияларын күтіп ұстау, ағаш тұқымдарын дайындау, өңдеу және сақтау жөніндегі іс-шараларды ұйымдастырады ;

3) орман орналастыру жобаларына сәйкес орман пайдалану орындары мен көлемдерін айқындайды ;

4) орман ресурстарын тендерлерге қою үшін материалдар әзірлеуді ұйымдастырады және олардың ұтымды пайдаланылуын қамтамасыз етеді;

5) орман қорының мемлекеттік есебі мен мемлекеттік орман кадастры бойынша құжаттаманың жүргізілуін қамтамасыз етеді;

6) инженерлердің, аңшылық мамандарының, орманшылардың жұмысына басшылық жасайды ;

7) ормандарды жерден және авиациямен күзету қызметтерінің жұмысын үйлестіреді ;

8) Қазақстан Республикасының заңнамасына сәйкес өзге де функцияларды жүзеге асырады .

11. Орман шаруашылығының барлық санаттағы инженерлері (аға орманшылар) ормандарды күзету, қорғау, молықтыру және орман пайдалану жөніндегі жұмысты жүргізеді.

12. Орман күзету және қорғау жөніндегі инженер Қазақстан Республикасының заңнамасы белгілеген тәртіппен және өзінің құзыреті шегінде:

1) орманшылықтардың орман күзету мен қорғау жөніндегі жұмысын ұйымдастырады ;

2) ормандардағы өрттің алдын алу, ормандарды заңсыз ағаш кесуден және орман тәртібін бұзудың басқа да түрлерінен күзету, ормандарды зиянды жәндіктер мен аурулардан қорғау жөніндегі іс-шараларды әзірлейді және жүзеге асырады ;

3) ормандарды жерден және авиациямен күзету қызметтерінің өзара іс-қимыл жасауын ұйымдастырады ;

4) өртке қарсы насихатты, ормандарды сақтау, орман мекемесі аумағында өрт

қауіпсіздігі ережесін орындау туралы мәселелердің бұқаралық ақпарат құралдарында жүйелі түрде көрініс тауып тұруын ұйымдастырады;

5) айналымдар ревизиясын жоспарлайды және жүзеге асырады;

б) орман кордондарының және орман күзетімен байланысты басқа да құрылыстар мен ғимараттардың ақаусыз күйде күтіп ұсталуына, сондай-ақ қару-жарақ пен оқ-дәріні сақтау және күтіп ұстау ережесінің сақталуына, орман күтушілердің (қорықшылардың) нысандық киіммен, таңбалармен, омырауға тағатын белгілермен, қызмет куәліктерімен және қарумен қамтамасыз етілуіне
ж а у а п б е р е д і ;

7) орманды күзету және қорғау жөнінде есеп пен белгіленген есептеме беруді
ж ү р г і з е д і ;

8) орман заңнамасын бұзушылықтар бойынша істерді жүргізеді және әкімшілік айыппұлдардың, талап-арыздардың дер кезінде өндіріп алынуын
б а қ ы л а й д ы ;

9) орман заңнамасын бұзушылықтар мен орман өрттері туралы істер бойынша сот органдарында директордың тапсырмасы бойынша орман мекемесінің мүдделерін білдіреді.

13. Ормандарды молықтыру және орман өсіру жөніндегі инженер Қазақстан Республикасының заңнамасы белгілеген тәртіппен және өзінің құзыреті шегінде:

1) орманшылықтардың ағаш тұқымдарын дайындау, отырғызу материалын өсіру, орман дақылдарын отырғызу жөніндегі жұмысын ұйымдастырады;

2) орман дақылдарын өндіруді тексереді, орман дақылдарын өсіру жұмыстарын орындаудың агротехникалық мерзімі мен сапасын бақылайды;

3) орман дақылдарын отырғызудың жұмыс жоспарын жасайды;

4) ормандарды молықтыру және орман өсіру бойынша есеп пен белгіленген есептеме беруді жүргізеді.

14. Орман пайдалану жөніндегі инженер Қазақстан Республикасының заңнамасы белгілеген тәртіппен және өзінің құзыреті шегінде:

1) орманшылықтардың орман орналастыру жобаларына сәйкес орман пайдалану жөніндегі жұмысын ұйымдастырады;

2) орман мекемесі аумағындағы мемлекеттік орман қорының ұтымды пайдаланылуына, ағаш кесу және ағашты түбірімен босату, ағаш кесілген орындарды тазалау ережелерінің сақталуына қадағалау жұмыстарын жүргізеді;

3) кеспеағаштар іріктеу сапасын және тиісті құжаттаманың жүргізілуін
т е к с е р е д і ;

4) орман пайдалануға рұқсат беретін құжаттардың есебі мен сақталуын
ұ й ы м д а с т ы р а д ы ;

5) кеспеағаш қорын іріктеу және орманды ілеспе пайдалану жөніндегі
қ ұ ж а т т а м а н ы жүргізеді;

б) орман пайдалану және жер пайдалану мәселелері бойынша сот органдарында директордың тапсырмасы бойынша орман мекемесінің мүдделерін білдіреді.

15. Инженер-орман патологы Қазақстан Республикасының заңнамасы белгілеген тәртіппен және өзінің құзыреті шегінде:

1) ормандарды зиянды жәндіктер мен аурулардан қорғау жөніндегі жұмысты ұйымдастырады;

2) орман зиянкестері мен ауруларын, олардың түр құрамын, санын және таралуын анықтау жөніндегі жұмысты жүзеге асырады, зиянды жәндіктер мен аурулар ошақтарының жүйелі есебін жүргізеді;

3) орманның ағымдағы, экспедициялық, аэровизуальдық және басқа да орман патологиялық тексерулерін жүргізеді, оның санитарлық жай-күйін анықтайды;

4) барлық орман екепелерінде, сондай-ақ орман питомниктерінде зиянды жәндіктер мен ауруларға қарсы алдын алу іс-шараларын жүргізуді ұйымдастырады;

5) байқау материалдарын өңдейді, орман зиянкестері мен аурулары ошақтарының жиынтық ведомостарын, жобаланатын санитарлық-сауықтыру іс-шараларының ведомостарын жасайды және олар бойынша орман зиянкестерінің ошақтарын жерден және авиациямен өңдеуді жүргізу үшін қажетті есептер жүргізеді.

16. Аңшылық маманы Қазақстан Республикасының заңнамасы белгілеген тәртіппен және өзінің құзыреті шегінде:

1) жануарлар дүниесінің ресурстарын қорғау, өсімін молайту және ұтымды пайдалану жөніндегі жұмысты ұйымдастырады;

2) биотехникалық және аңшылық шаруашылығы іс-шараларының орындалуын қамтамасыз етеді;

3) Қазақстан Республикасының жануарлар дүниесін қорғау, өсімін молайту және пайдалану саласындағы заңнамасын бұзушыларға қарсы күресті ұйымдастырады және қамтамасыз етеді;

4) аң ауланатын жерлерді пайдалануды жақсарту жөніндегі іс-шараларды әзірлейді;

5) жануарлар дүниесін қорғау, өсімін молайту және пайдалану саласында есеп беруді жүргізеді;

б) директордың тапсырмасы бойынша сот органдарында жануарлар дүниесін қорғау және пайдалану мәселелері бойынша орман мекемесінің мүдделерін білдіреді.

17. Орманшы өзінің жұмысында орманшылыққа басшылықты тікелей жүзеге асырады.

18. Орманшы Қазақстан Республикасының заңнамасы белгілеген тәртіппен

және өзінің құзыреті шегінде:

1) материалдық, еңбек және қаржы ресурстарын тиімді пайдалану, орман шаруашылығы өндірісінде озық техника мен технологияны енгізу жөніндегі жоспарлы тапсырмалардың орындалуын қамтамасыз етеді;

2) орманшылық аумағында ормандарды өрттерден, заңсыз ағаш кесуден және орман заңнамасының басқа да бұзушылықтарынан күзету, ормандарды зиянды жәндіктер мен аурулардан қорғау жөніндегі жұмыстарға, сондай-ақ ормандарды молықтыру мен орман өсіру, орман пайдалану және жабайы жануарларды қорғау жөніндегі жұмыстарға басшылық жасайды;

3) ағаш кесудің орман орналастыру жобасына және бекітілген жоспарларға сәйкес жүргізілуін ұйымдастырады;

4) ағаш кесу орындарына және дайындалған сүректің босатылуына қуәландыру жүргізеді;

5) барлық орман пайдаланушылардың сүректі түбірімен босатудың белгіленген ережесін және өрт қауіпсіздігі ережесін орындауын іске асырады;

6) орманшылыққа келіп түсетін орман заңнамасын бұзушылықтар туралы хаттамалардың жасалу дұрыстығын тексереді, сүректі заңсыз кесуден немесе оның бүлінуінен болған залалды айқындайды;

7) орманшылық аумағындағы орман өрттерін сөндіруді басқарады;

8) орман орналастыру мен жобалау-іздістіру жұмыстарын орындау кезінде көмек көрсетеді, осы жұмыстардың сапасын бақылайды;

9) орманшылықтардың мемлекеттік орман күзеті қызметкерлерінің орман шаруашылығы, орман дақылдарын өсіру, орманды қорғау, өртке қарсы және биотехникалық жұмыстарды жүргізу жөніндегі оқуын, сондай-ақ еңбекті қорғау және қауіпсіздік техникасы, еңбек заңдарын сақтау жөніндегі оқуы мен оларға нұсқама берілуін ұйымдастырады;

10) директордың тапсырмасы бойынша орманшылық қызметінің мәселелері бойынша сот органдарында орман мекемесінің мүдделерін білдіреді.

19. Орманшының көмекшісі өзінің жұмысында тікелей орманшыға бағынады.

20. Орманшының көмекшісі Қазақстан Республикасының заңнамасы белгілеген тәртіппен және өзінің құзыреті шегінде:

1) орманшының тапсырмасы бойынша уақытша ұзақ мерзімді орман пайдаланудағы ормандарды күзетудің, қорғаудың және молықтырудың жай-күйіне тексеру жүргізеді;

2) орман мастерлерінің, орман күтушілердің (қорықшылардың), уақытша өрт қарауылдары мен өрт сөндірушілер командаларының оларға жүктелген міндеттерді уақтылы және дәлме-дәл орындауын қадағалайды және оларға нұсқау береді;

3) орманшылыққа келіп түсетін орман заңнамасын бұзушылықтар туралы актілердің жасалу дұрыстығын тексереді, сүректі заңсыз кесуден немесе оның бүлінуінен болған залалды айқындайды;

4) айналымдар мен учаскелердің ревизиясын жүргізеді;

5) барлық орман пайдаланушылардың сүректі түбірімен босату ережесін және өрт қауіпсіздігі ережесін орындауын бақылайды;

6) орманшылық аумағында өртке қарсы алдын алу іс-шараларын жүргізумен тікелей айналысады, ал орман өрттері пайда болған жағдайда орман күтуші келгенше оларды сөндіруге басшылық жасайды;

7) орманшылықта орындалған орман шаруашылығы жұмыстарының техникалық құжаттамасын, есебін және есеп берілуін жүргізеді, орман орналастыру материалдарына ағымдағы өзгерістерді жүйелі түрде енгізіп
о т ы р а д ы .

21. Орман мастері өзінің жұмысында тікелей орманшыға және оның көмекшісіне бағынады .

22. Орман мастері Қазақстан Республикасының заңнамасы белгілеген тәртіппен және өзінің құзыреті шегінде:

1) өз учаскесі орман күтушілерінің (қорықшыларының) жұмысына басшылық жасайды және оларға нұсқау береді, сондай-ақ олардың өз міндеттерін орындауына бақылау жасауды жүзеге асырады;

2) айналымдарға ревизия жүргізеді, кордондардың тиісті дәрежеде күтіп ұсталуын, қарудың және орманшылар мен қорықшыларға тапсырылған бүкіл мүліктің аман сақталуын қадағалайды;

3) орман өрттері пайда болған жағдайда бұл туралы орман күтушіні бір мезгілде хабардар ете отырып, тікелей оларды жоюға шаралар қолданады;

4) орман заңнамасын бұзушылық туралы учаске бойынша жасалған хаттамаларды екі күн мерзімде орманшылыққа (немесе орман мекемесіне) жібереді ;

5) кеспеағаштар, сондай-ақ шабындықтар, жайылымдар және басқа да орман пайдалану алқаптарын іріктеуге қатысады;

6) ағаш кесу орындарын куәландыруға, ағаш материалдарын босатуға, учаскеде орындалған орман шаруашылығы іс-шараларын қабылдауға қатысады;

7) ағаш отырғызу, ағаш тұқымдарын себу және орманның табиғи жолмен қалпына келуіне жәрдемдесу, ағаш тұқымдарын жинау, орманды күтіп-баптау мақсатында кесу жөніндегі жұмыстарға басшылық жасайды.

23. Орман күтуші (қорықшы) мемлекеттік орман қоры учаскелерін және өзіне тапсырылған мүлікті тікелей күзетуді, қорғауды жүзеге асырады. Өзінің жұмысында ол орман мастеріне бағынады.

24. Орман күтуші (қорықшы) Қазақстан Республикасының заңнамасы

белгілеген тәртіппен және өзінің құзыреті шегінде:

1) заңсыз ағаш кесуді, мал жаюды және Қазақстан Республикасының орман заңнамасын бұзудың басқа да түрлерінің жолын кесу жөнінде шаралар қолданады ;

2) орман өрті пайда болған жағдайда бір мезгілде мемлекеттік орман күзетінің жоғары тұрған қызметкерлеріне өрт туралы хабарлап, оны жоюға шаралар қолданады ;

3) айналым аумағындағы барлық жұмыс істеушілер мен онда орналасқан ұйымдардың, сондай-ақ орманда жүрген жеке тұлғалардың ормандардағы өрт қауіпсіздігі ережесі мен санитарлық ережені сақтау жұмысын жүргізеді, осы ережелерді бұзудың барлық көріністері жайында орман мастеріне дереу хабарлайды, ал қажет болған жағдайда Қазақстан Республикасының Әкімшілік құқық бұзушылық туралы кодексіне сәйкес Қазақстан Республикасының орман заңнамасы , жануарлар дүниесін қорғау , өсімін молайту және пайдалану және ерекше қорғалатын табиғи аумақтар туралы Қазақстан Республикасының заңнамалары саласындағы әкімшілік құқық бұзушылық туралы осы жайында хаттама жасайды ;

4) өзінің айналымында көпірлердің, өрт мұнараларының, телефон желісінің, шектеуші, орман орналастыру және орман шаруашылығы белгілерінің сақталуын қадағалайды ;

5) айналымда байқалған зиянды жәндіктердің ошақтары, орман аурулары, жел сұлатпасы, дауыл құлатқан ағаштар, бітік өскен ағаштардың қурауы және орман шаруашылығына нұқсан келтіруі мүмкін басқа да құбылыстар жайында орман мастеріне немесе орманшылыққа хабарлайды;

6) сүрек дайындау, мал жаю, шөп шабу және орман пайдаланудың басқа түрлері құқығына берілген құжаттарды тексереді, орман пайдаланудың белгіленген ережесінің орындалуын қадағалайды;

7) орман өрттерінің пайда болуына кінәлі тұлғаларды ұстап, оларды тиісті ішкі істер органдарына жеткізеді.

25. Орман күтушіге оған күзетуге берілген мемлекеттік орман қоры учаскесі мен мүліктің тізбесі бар айналым жоспары мен паспорты беріледі.

4. Мемлекеттік орман күзетінің қызметі

26. Мемлекеттік орман күзетіне жұмысқа (орманшылар мен қорықшылардан басқа) орман шаруашылығы, орман-техникалық жоғары немесе орта оқу орындарын бітірген тұлғалар қабылданады.

Ескерту. 26-тармақ жаңа редакцияда - ҚР Үкіметінің 2012.11.07 N 1413 (алғашқы ресми жарияланғанынан кейін күнтізбелік он күн өткен соң қолданысқа

енгізіледі)

Қаулысымен.

27. Жалпы орта білімі бар орман күтушілер (қорықшылар) жұмысқа қабылданған кезде орман мекемесінің ведомстволық тиесілілігіне байланысты уәкілетті орган немесе облыстық атқарушы органдардың ормандар мен жануарлар дүниесін қорғау жөніндегі құрылымдық бөлімшесі бекіткен бағдарлама бойынша орман мекемелерінде міндетті түрде оқиды және ормандар мен жануарлар дүниесін күзету, қорғау мәселелері бойынша техникалық м и н и м у м та п с ы р а д ы .

28. Орман күтуші (қорықшы) қызметіне 18 жасқа толған және денсаулық жайы уәкілетті орган - Қазақстан Республикасының Денсаулық сақтау министрлігімен келісім бойынша белгілейтін талаптарға сай келетін тұлғалар қ а б ы л д а н а д ы .

29. Мемлекеттік орман күзетінің қызметкерлеріне үлгілі жұмысы, орман өрттерімен және орман тәртібін бұзушылықтармен күресте бастамашылық, тапқырлық және жанқиярлық танытқаны үшін Қазақстан Республикасының еңбек заңнамасына сәйкес марапаттау шаралары қолданылады.

30. Жұмыстағы теріс қылықтары үшін мемлекеттік орман күзеті қызметкерлеріне Қазақстан Республикасының еңбек заңнамасына сәйкес жаза қ о л д а н ы л у ы м ү м к і н .

31. Мемлекеттік орман күзетінің лауазымды тұлғалары Қазақстан Республикасының заңнамасымен белгіленген тәртіппен нысандық киіммен, арнайы қорғаныс құралдарымен және қызмет бабында пайдаланылатын жер телімдерімен қ а м т а м а с ы з е ті л е ді .

32. Кеспеағаштардың іріктелуіне, ағаш кесудің, ағашты түбірімен босатудың дұрыстығын бақылау, заңсыз ағаш кесуді тіркеу, сондай-ақ сүректі кеспеағаштан немесе жоғарғы жақтағы қоймалардан тасып әкету кезінде оның есебін жүргізу үшін орман мастерлеріне, орман күтушілерге, орман күзету және қорғау жөніндегі инженерлерге таңбалар беріледі.

33. Мемлекеттік орман күзетінде жұмыс істеу кезінде орман күтушілерге (қорықшыларға) қызмет бабында пайдаланылатын үй-жайлар (кордондар) берілуі м ү м к і н .

34. Мемлекеттік орман күзетінің қызметкерлеріне өздерінің қызмет міндеттерін орындауы үшін белгіленген тәртіппен көлік құралдары беріледі.

35. Орманшылар мен орман мастерлері ауысқан кезде айналымды, мастер учаскесін және айналым мен мастер учаскесіне бекітіп берілген мүлікті қабылдау-тапсыру актісі жасалады.

Айналымды тапсыру кезінде орман мастерінің қатысуы, ал мастер учаскесін тапсыру кезінде - орман күзету және қорғау жөніндегі инженер мен орманшының қ а т ы с у ы м і н д е т т і .

36. Орманшыны ауыстырған кезде орман мекемесі директорының бұйрығымен мемлекеттік орман қоры учаскелерін, техникалық құжаттаманы, негізгі құрал-жабдықтарды және орманшылыққа бекітілген мүлікті қабылдау-тапсыру жөнінде комиссия құрылады.

37. Орман мекемесінің директорын ауыстырған кезде уәкілетті органның немесе облыстық атқарушы органдардың ормандар мен жануарлар дүниесін қорғау жөніндегі құрылымдық бөлімшесінің бұйрығымен орман мекемесінің ведомстволық тиесілілігіне байланысты мемлекеттік орман қоры учаскелерін және орман мекемесіне бекітілген басқа да мүлікті қабылдау-тапсыру жөнінде комиссия құрылады.

5. Мемлекеттік орман күзетінің қару-жарағы

38. Мемлекеттік орман қорының лауазымды тұлғаларына Қазақстан Республикасының заңнамасымен белгілеген тәртіппен қызмет қаруын сақтауға, алып жүруге және қолдануға рұқсат етіледі.

39. Қазақстан Республикасының заңдарында көзделген жағдайларда мемлекеттік орман күзетінің лауазымды тұлғаларының дене күшін, арнайы қорғаныс құралдарын және қызмет қаруын қолдануға құқығы бар.